

宋

會

要

全唐文

宋會要

恤災

神宗熙寧元年正月九日詔諸州軍每年春首令諸縣
告示村耆徧行檢視應有暴露骸骨無主收認者並賜
官錢埋瘞仍給酒饌醑祭七月詔恩冀州河決災令選
官分詣若有淹死人口量大小賜錢其居處未安令官
地塔蓋其宮觀廟宇宿泊內有淹浸活業貧下人戶令
省部賜粟四年三月十六日詔判永興軍郭達如本縣
州縣有饑荒處並以官廩賑濟仍體訪田稅其逃亡人
戶亦仰設法招誘還業以聞六年十月二十八日詔熙
河一路自用兵以來誅斬萬計遺骸暴野可差勾當御

藥院李舜舉往彼多方究尋如法收瘞仍於河岷二州
特設祭醑作水陸齋會七年五月六日中書門下言戶
房申訪聞災傷路分募人工役多不願先將合用夫數
告示以致饑民聚集却無合興工役欲乞下司農寺令
逐路有合興工役並依所計工數曉示逐旋入役免致
饑民遇有聚集以致失所從之九年二月五日河北西
路提刑司言邢懷州連年災傷若令應副十分春天必
難勝任欲乞特賜免放一半從之十月十二日中書門
下言廣東經畧轉運使等言潮州海陽潮陽兩縣人戶
被海潮溺推蕩居舍田苗死失人口乞令本路提刑司
躬親前去依條存恤從之元豐元年正月二十三日詔

河北路權停折納為經水災糧草貴也七月二十七日
詔河北轉運判官高鑄往濱州地界風雨損城及害稼
處照管令京東轉運使司齊州章丘縣官吏如不救護
預備致人被災傷即劾罪以聞八月十六日詔京東路
路轉運司齊州章丘縣被水第四等以下戶欠今夏殘
稅權倚閭常平苗役錢令提刑司展料次二十八日詔
濱 滄三州被水災令民貸請常平糧零販竹木魚果
炭箔等物稅百錢以下聽權免一季十月十四日詔昨
岳州平江縣民戶為詹遇等焚廬舍令孫頌牒所屬隨
區數第給錢二年二月十一日詔聞濱 滄州昨因災
傷至今民尚乏食其令提舉官李孝純存恤有合行事

件訖以聞事體稍重者奏聽旨察知縣令不職者權對
移三月一日詔兩湖路災傷民貧戶絕田產價錢者展
半年輸官三年八月十七日開封府言畿縣夏旱甚者
十分其次不減七分已節次檢放今秋農有望而民力
未充其殘欠租稅乞賜倚閣從之九月二日權知都水
監丞公事蘇液言河北京東兩路緣河決被患人戶蒙
朝廷憂恤賑濟放稅河平計錢穀等共七十二萬七千
二百七貫碩有畸而靈津廟碑失載其實乞以其事付
史官從之四年二月二十九日詔閭閻成鳳岷州人戶
闕食流移令逐路第四等以下人戶借支常平糧斛每
戶不得過兩石仍免出息如有去年未納諸稅并諸般

欠員等並權倚閣其有往諸處逐熟帶興販物稅錢處
並令驗認免放八月二日詔蠲河北東路災傷州軍令
年夏料役錢五年九月十四日詔聞開封府界漫水所
至縣百姓有聚在高阜不通往來致絕糧食者委劉仲
熊乘驛遍詣有水縣覘畫舡棧運致民戶安集於無水
處齎載薪糧就給三日一具所濟人數上尚書省七年
六月二十六日知蔡州黃好謙言所部水災特甚乞放
稅詔尚書戶部速施行七月七日知河南府韓絳言伊
洛暴漲衝注城中軍營欲望被水災廂禁軍等第與
特支錢及先修軍營其水北軍民被害續奏請詔經水
災民戶令體量賑卹被水廂軍以差賜般移錢死者依

漂溺民戶法給錢九日詔尚書戶部員外郎張詢幹當
御藥院劉惟簡賑濟西京被水災軍民并催督救護官
物城壁等其合行事如有違礙從宜施行同日河北路
轉運司言河水圍繞大名府城乞多差兵夫舡棧救護
詔遣金部員外郎并亮來幹當御藥院梁從政往賑濟
如西京指揮九月十三日詔西京被水漂溺之家及秋
苗災五分戶並免來年夏稅支移折變從戶部員外郎
張詢請也十三日河西路提點刑獄呂溫卿言霖雨為
災已行賑濟欲乞坊郭戶沒溺財產比舊退落七分以
上積欠及秋料役錢並展限至來年夏其漂蕩家業者
不候造簿年月先減免役錢以寬剝錢補助尚書戶部

言減放役錢欲據家裝物力之數於簿內改正其減役錢候造簿日均數餘欲依溫卿所乞從之十月二十二日詔涇原路火死者男丁給絹四疋小兒五疋以本路經畧司言西賊犯境燒柴草積民多火死者故有是命

哲宗元祐三年正月二十八日御史中丞胡宗愈侍御史王覲進對太皇太后日久陰不解雪寒甚民不易對曰陛下斤賣芻炭所以惠都民甚好唯河北京東災傷猶須多方賑濟日已一一有指揮宗愈覲曰聞二聖焦勞上元禁中不用樂曰既不御樓亦未嘗燕會二月十二日詔給廣惠倉錢三萬緡及闕額役兵錢糧衣賜募民應役以恤之十月二十四日詔災傷放稅及六

分以下其帶納欠負即隨放稅外分數催納七分
以上並行倚閣四年六月十八日資政殿學士知陳州胡宗
愈言本州霖雨相繼河流泛漲今年夏稅遞展限一月
從之五年四月二日詔府界諸路監司應雨澤未足處
人戶合催理係官欠負權住理納候豐熟日依舊以三
省言自春以來時雨未足民間諸欠負未能償故也六
年九月七日戶部言河東路助軍糧草支移不過三百
里若非時急闕亦聽相度展那仍不得過三百里本戶
災傷五分已上仍免折變從之同日樞密院言麟州界
人常為西賊殺虜燒蕩屋舍者令經畧司人以老幼屋
以多寡等第給賜錢絹或焚毀糧草或蹂踐田苗亦隨

宣賑濟八年四月二十六日詔近日在京軍民疾患難
得醫藥可措置於大醫局選差醫人就班直軍營坊巷
分認地分診治開封府郡官提舉合藥并日支食錢於
御前寄收封樁錢內等第支破候疾患稀少即罷結
聖元年十月二十六日上諭輔臣曰河北流民寓寺觀
及官廨者尚多雖已給券開諭令還本土就賑濟然宜
申教有司聽便願南去者毋彊使北十一月十一日左
司諫張商英言知定州顧臨與走馬承受賈溫之謝晴
北嶽摘路傍木穗豆角觀驗多不實知曲陽縣郭長卿
以災告請早求所以為備者聞深州武彊縣民二千餘
戶訴災臨輒却其牒詔河北東路提舉常平燕若古寃

實以聞十二月十一日監察御史常安民言河朔流民
多因郡縣承望轉運司張景先風旨遇訴災傷曲有沮
抑使民無告詔河北西路提舉司體量詣實以聞知深
州吳安行生不受民訴災傷特衝替二年三月四日詔
河北東西路并京東路淄齊鄆濮濟州災傷人戶催去
年秋料殘零稅租並行倚閣四月五日涇原路經畧安
撫司言本路被災人戶已今逐州軍倚閣租逋欠從之
仍原擅行之罪三年四月十一日詔權倚閣陝西路今
年諸逋員以輔運司言本路災荒故也四年五月九日
左司諫郭知章言聞諸路守臣常於秋夏之間以雨足
歲豐為奏後災歉遂不敢以聞伏望特降睿旨下諸路

州軍嚴行約束雖已奏豐稔而或繼有非時水旱者並
具災傷上聞從之元符元年十一月二十三日詔河北
京東路州縣遭河漲渰溺人戶田廬多致失所令工部
員外郎梁鑄體量應合賑恤及河勢利害以聞三年三
月二十三日

徽宗已即位未改元

詔以疾疫令太醫局差醫生分

詣閭巷醫治八月四日詔諸路應歲賜藥錢處遇民疾
時州縣委官監視醫人遍詣閭巷隨其脉給藥十二月
三日臣寮言河北瀕等數州昨經河決連亘千里為
之一空人民孳畜沒溺死者不可勝計今年所在豐稔
而此數州之民失業是以至今米斛不下三四百錢饑
凍而死者相枕藉甚可哀也乞朝廷選郎官乘傳同本

路監司守令體量拯救從之 徽宗建中靖國元年八月二十一日臣寮言府界近京各有被旱蝗去處及江淮兩浙福建路亦有旱災去處其監司郡守或不以聞或雖聞而不敢盡以實告州縣承望轉運司意旨不肯依法受接人戶訴狀望指揮諸路轉運使司應今後實有被災傷人戶並專責守令依法受訴提舉司依條檢察施行從之 崇寧元年四月二十八日兩浙轉運司言本路累歲災傷昨權住閑慢修造至今將欲限滿欲乞更展一年權住從之 七月二十一日詔開封府賑卹壓溺人不得鹵莽先是雨水壞民廬有死者故申命之二年七月九日詔府界諸路監司前去親詣蝗蟲生發去

處監督當職官多差人夫部押併手打撲本司及當職官並仰專在地分候打撲盡靜方得歸任人戶多方收打蝗蟲赴官即時依條支給米穀如官司阻節許人戶經監司陳訴十月十四日詔兩浙杭越溫婺等州秋田不收人戶失於披訴官司憚於閣放又將積年欠負一例併行催納致人戶漸至逃移賊盜滋多物價增長細民不易其官司並不申奏顯是提舉轉運司施設不職令本路提刑司體量聞奏其積年租欠如是下戶災傷不以分數並令倚閣非災傷戶分作五料催科人戶失於披訴委是秋苗不熟並量與檢放其孤貧不濟戶仰提舉司廣行賑濟如物價增長即速以常平米平價出

羅十二月十四日詔戶部差官剗刷合出賣及無用故紙具數關送開封府造紙襖遇大寒置厯給散在京并府界無衣赤露之人每年依此即不得將中用文字一例剗刷五年四月十六日詔蠲兩浙水災人戶租稅大觀二年三月三十日詔西京城內外日近民庶疾疫稍多慮闕醫藥有失治療宜下有司依近例疾速修合應病湯藥差使臣管押醫人自三月末旬後於京城內外遍到里巷看診給散要拯救疾苦仍速施行又詔令大觀庫支錢一萬赴開封府令就差散藥使臣并逐廂地分使臣每日量數支給應死亡貧乏不能葬者人給錢兩貫小兒一貫八月十九日工部言邢州奏鉅鹿下埽

大河水注鉅鹿縣本縣官私房屋等盡被湮浸詔應令
來被水漂溺身死人戶並官為埋葬每人支錢五貫文
買衣衾版本擇高阜去處安葬不得致有遺骸其見在
人戶即依放稅七分法賑濟施行如有孤兒連及小兒並
送側近居養院收養候有人認識及長立十五歲聽從
便內有人戶盡被漂失屋宇或財物仍許依七分法借
貸不管却失所失仍具埋葬賑濟居養存恤次第事狀
聞奏三年六月二十八日詔冀州宗齊鎮被水身死人
戶並官為埋藏人支錢五千擇高阜安葬不得致有遺
骸其見在人戶却依放稅七分法賑濟孤遺及小兒並
送側近居養院收養候有人識認及長立十五歲聽從

便內人戶盡被漂失屋宇或財物仍許依七分法借貸
仍具已埋葬賑濟居養存恤次第以聞仍仰本路提刑
司各那官前去點檢賑恤務要均濟九月六日詔東南
路比聞例有災傷斛斛踴貴可下諸路監司仰依實檢
放秋苗數仍依條推行賑濟十一月十二日詔東南諸
路應今歲旱災地分人戶放稅及五分以上者本戶稅
租苗役條限滿日特與展限一季支移者仰轉運司相
度那融就近折變者量與寬減施行十二月十六日詔
秦鳳階成州災傷人戶稅賦已權行倚閣候至豐歲催
理疾速施行四年正月十八日詔聞福建去年夏秋少
雨禾稻薄熟兼見行賑濟兩劑並不通放米舡過海深

慮向去民食妨闕可指揮兩路放令福建販米海舡從
便賑糶以補不足不得仍前阻節政和五年正月二十
二日詔戶部上諸縣災傷應被訴受狀而過時不收接
若抑遏徒二年州及監司不覺察各減三等法從之五
月十二日詔二麥將成秋稼繼作深慮川縣不恤民情
妄有科差如見均占役使者即時放散如有稽違帥臣
監司按察^{此和}三年正月二十日尚書省言檢會近降赦恩
訪聞開德府清豐縣去年六月七日曾被旱傷人戶其
間有不知條限致被訴不及可令所司勘會詣實特與
依檢放災傷人戶咸免均糶指揮施行從之十一月二
十日詔時雪苦寒道路阻滯常年倉米麥以衷合價錢

二等分糶硬石炭每秤減價十錢十二月六日詔以諸路時雪稍多道路艱阻貧寒細民於法不合居養之人如委實貧乏不能自存亦合權行存恤救濟令諸路提舉常平司更切多方存恤居養仍許不限人數支給米豆乃仰逐司以常平米粟量行減價二分出糶四年四月六日饒州南康軍知通並先次充替令歙州疾速取勘并本路提舉官令江東提刑司取勘並具案奏聞以江東久旱艱食並不陳請措置至是提舉司分析以聞故有是命六年二月十七日福建路提舉常平黃靜言建州蒲城知縣饒興遇歲饑民能勸誘民戶賑糶乞加賞典詔遷一官七月十九日淮南路轉運司言淮河水

泛漲濠壽楚泗河道與鄰近民田為一渰浸州城緣此
斛斗不入細民不易淮東西州軍見樁管提舉司斛斗
三十六萬餘石欲依元價出糶救濟被水細民從之九
月二日詔在都日近遺火被燒人戶見貨官地屋興放
賃直兩季十一月三日詔兩淞州軍秋水害田物價翔
踴別州鄰路粒米豐賤輒禁米斛出界者以違御筆論
七年七月六日詔熙河環慶涇原地震旬日壞城壁樓
櫓官私廬舍民覆溺死傷者衆宜速修治城壁朝廷給
其費仍遣使撫恤軍民十二月十六日詔河北西路提
舉常平官不奏本路災傷特降兩官衝替令本路提刑
司具合降官姓名申尚書省今後不即時聞奏重寘于

法仍令刑部遍下諸路州軍并監司

時臣案上言河北

邢州磁相上下夏兩頻併各有災傷詔令本路八年正

月正二十四日詔河朔去歲災傷方行賑恤而修城買

木運糧飛輓之役頗勞民力其令當職官審度緩急可

罷者條具以聞五月二十一日提舉京東路常平等事

王子獻言濟南府密沂濰徐兗州河北數州皆水官司

檢放不及七分外州流民稍稍入境移文逐處依法賑

恤蓋其貸者二十萬四百餘戶給者十萬八千六百餘

戶糶者二十九萬五百餘碩實緣檢視災傷觀望顧畏

不實不盡伏願詔州縣今後驗流民來歷實有莊帳每

縣及百戶以上即申省部下所屬依次書元檢放官吏

之罪從之六月八日詔兩浙路自今夏霖雨連綿淹沒
田不少平江尤甚已差趙霖依舊兩浙提舉常平如有
合行奏稟事件附入內侍省遞以聞仍一面多方措
置護救民田淹浸過田苗人戶及支借過還田錢米等
並仰括責招諭保明聞奏不管稍有流移失所其後趙
路有未起今年常平米一千萬餘石伏乞許與蘇留應
到急切賑濟并轉運司見有合發米限上供米數徵已
依知平江府應安道已得指揮權於兩浙西州縣先次撥
發二十萬逐急相兼應候向去豐熟年分接納撥
還治體人戶合給二稅并借過園田常平錢物權行倚
等以下人戶合給二稅并借過園田常平錢物權行倚
閏七月二十九日詔東南諸路山水暴漲至壞州城人
被漂溺不能莫居可差廉訪使者六員分行諸路檢舉
常平災傷隨宜賑救訖奏仍許借諸司斛斗賑給或勸

誘上戶借貸仍多作船棧濟渡及權以官物搭蓋屋宇
廣令安泊其被溺之人並官給棺殮監司郡吏各協力
賑恤無令失所有不盡心及一行官吏因而搔動乞取
並以違御筆論同日鎮江府言自六月以來霖雨連綿
淹沒民田米價踴貴唯藉商旅興賑斛斗接濟欲乞降
旨應豐熟去處輒有禁止商販米穀及違法收納力勝
諸般阻節並乞依政和六年十一月三日所降指揮從
之八月二十五日詔江淮荆浙被水州軍漲水已退殘
潦餘浸占田無藝民不得耕比屋摧圮無奠居可令郡
守令佐悉心賑救監司雖非本職並許通行管幹分定
州縣前去巡按具已救濟事件人數奏監司郡守自今

應水旱盜賊敢有隱蔽不奏或不盡言並以違御筆論
應興販竹木磚瓦蘆葦往被水處沿路不得收稅抽解
及攔買阻滯仍行賑濟九月七日詔東南被水州縣民
田雖有赴訴之限然阡陌漫漫州縣定驗夫實則貧民
下戶臨時無告仰逐路監司行下所轄州縣當職官須
管於收成之前躬親按視毋得失實又詔曾經滄浸人
戶納官私房錢截自遷出日並特與免納候復業日依
舊十月二十日江南東西路廉訪使者徐衡言南康軍
并管下建昌縣及江州并管下德安瑞昌縣興國軍坊
郭舍屋被水滄浸沒屋脊人戶各已般移除係自己
屋業外其間買官私舍屋居住人戶尚依舊管認元債

房廊地基等錢欲下諸州軍豁除被湣月日將與放免
從之仍詔餘依此計其十日即不得虛偽通不得過一
季

恤災列本

吳校

宋會要 賑恤四

宣和元年正月二十七日永興軍路安撫使董正封言

鄆縣災傷放稅不及分秋雨損田苗人戶闕食勘會見

今修葺永興軍城壁欲望支降度牒四百道乘此和顧

人夫不惟城壁計日可了兼可以存養闕食人民詔時

支二百道

此卷前有
熙寧以下
七十條應補
抄

脫二月十六
日下條

額上有△者皆恤災四文間有脫處以日記之

二本無△者補抄於○記之

額上有△者皆見賸貨不抄

宣和元年正月二十七日永興軍路安撫使董正封
言鄆縣災傷放稅不及分秋雨損田苗人戶缺食勘會
見今修葺永興軍城壁欲望支降度牒四百道赈此和
雇人夫不惟城壁計日可了兼可以存養缺食人民詔
特支二百道二月十六日詔豐城縣主簿倪仲寬先次
放罷令憲司取勘以聞候案到將上取旨以江南西路
轉運副使林箴奏仲寬管洪州南昌縣惠門場非理決
食人剩也十月十九日詔兩浙連年災傷今歲方始豐
熟應欠積欠不得一併催理並三年帶納十二月十六

日監察御史周武仲言淮甸旱暵蒙付以使事賑濟今
急於錢米而州縣往往之望依淮南許依鄰近發義倉
兌撥支遣并京西路汝穎等州災傷放免租稅指揮豪
民大姓有願出積粟者乞籍其名酬以官爵其次與免
差科一次所在係官山林塘泺有可推以利民者乞暫
絕其禁聽饑民採食其利商旅般運應鄰近路分及沿
江州軍載斛米舟車並乞與免沿路力勝錢堰開闢津
不得稽留從之仍許通一路義倉兌撥支給其流移地
分如合放免租稅並令依條內豪民出粟不得抑勒
欽宗靖康元年六月十四日知磁州趙將之言种師中
兵潰有被傷之人疲曳道路甚多臣已隨宜措置出榜

招收權置一醫藥院收管醫治如臣一州所醫已二百
餘人切慮別路州郡尚多有之乞下諸州將重傷者每
人支絹一疋錢一貫輕傷人半支並以係省錢物充仍
委守臣當官給付依已降指揮將詔到潰散人並發上
邊應援太原外有被傷米堪驗使人並且令逐州醫治
候平愈日逐旋結隊發遣從之

宣和元年二月十八日尚書右丞范致虛

言奉詔楚州山陽鹽城二縣被水令截撥斛斛賑救不足於鄰州鄰路發義倉充撥吏遣竊以災傷路分廣遠自江淮荆湖兩川各被水患物價騰踴方春正多飢殍彊壯者流為盜賊類多丐乞以市斛斛或采在田蔬茹之類甚者無從得食老稚轉徙甚可哀痛按義倉法唯

充賑給不得他用比歲數豐未嘗支遣諸路義倉之粟甚多欲望旨應去歲災傷州縣並量從刻實災傷人數及外來流民並給義倉物斛賑濟數係災傷官司以前不曾檢行特與放罪若今來指揮到依前庇隱令廉訪使者按劾以聞若常平及本州通用諸縣義倉物斛計度俵散不足並許依楚州兩縣所得前件指揮於鄰州鄰路義倉充撥支遣詔京西路潁汝陳蔡等州見今民已流移飢殍監司州郡並不申奏運司庇隱不放租稅致不得依災傷賑濟遂使斯民轉於溝壑更為姦罔不奉法令以致如此為之惻傷可令新京西漕臣李祐放謝辭星夜乘騎前去體量常平官孫延壽先次勒

停餘監司并守臣一一並具名奏應一路義倉可並特
通融支撥賑濟施行應災傷流移地分並令依法放免
租稅疾速行下四月二日京西路轉運判官李祐言尚
書右丞范致虛奏京西災傷州縣並不依災傷檢放勒
民戶依舊納稅致民力愈困罪在州縣欲望並給義倉
物斛賑濟奉詔令臣星夜前去體量詣實常平官孫延
壽先次勒停餘監司并守臣一一並具名奏應一路義
倉可並特通融支撥賑濟應災傷流移地分並令依法
放免租稅體量得逐州人戶因去秋霖雨薄收人民闕
食汝州諸縣艱於賑濟致有流移飢殍唐鄧州縣已依
法檢放稅租外賑濟管下諸縣飢殍流民共三萬八千

餘人均房州諸縣放稅不盡致自冬及春以來往往聚
為盜賊詔均房州知通遠縣知縣並衝替汝州知通各
降一官唐鄧州知通各轉一官五月二十九日詔淮浙
去歲被水田業多荒今雨暘順適耕種是時民無力施
工可令兩路提舉常平官散倉廩廣行借貸毋或失時
施行訖具奏從兩浙轉運司請也六月二十七日開封
少尹虞夔言去歲諸路水災今夏二麥大稔秋田倍收
一歲之熟未足以盡補瘡痍尚慮監司州縣例行催科
累年之欠乞行約束從之十月十九日詔兩浙連年災
傷今歲方始豐熟應積欠不得一併催理並限三年帶
納十二月十六日監察御史周武仲言淮甸旱暵蒙付

以使事賑濟莫急於錢米而州縣往往無之望依淮南
許休鄰近發義倉充撥支遣并京西路汝潁等州災傷
放免租稅指揮豪民大姓有願出積粟者乞籍其名酬
以官爵其次典免差科一次所在係官山林塘泮有可
推以利民者乞暫絕其禁聽飢民採食其利商旅輟運
應鄰近路分及松江州軍截斛米舟車並乞典免沿路
力勝錢堰關關津不得稽留從之仍許通一路義倉充
撥支給其流移地分如合放免租稅並令依條內豪民
出粟不得抑勒二年六月四日詔開封府賑濟乞丐
二萬二千餘人當職官吏推恩有差二年八月二十日
知壽春府侯益言臣昨緣去歲秋田旱災曾具奏乞依

泰和七年正月二十六日指揮許客人於豐熟去處興
販米斛前來災傷去處出糶與免沿路力升稅錢後來
本府夏麥收成其上件指揮已行住罷今歲秋田復又
旱損欲乞依宣和元年十二月十六日指揮行下從之
十月九日詔淮南災傷飢民流離常平官其躬至所部
竭力賑濟十二月二十五日詔睦州及管下應避賊者
令所在官司多方存恤借與官屋僧舍居住內有不能
自存之人依條賑濟疾速施行三年正月十四日詔
宣歙杭睦州民居緣免賊劫略逃避既無所得食遂致
失所慮其間少壯之人或聚為盜老弱幼小不能自存
轉於溝壑深可矜惻仰江南兩浙路漕臣憲司提舉常

平及所在處郡守俸當職官等多方撫諭優加存恤如
有鬬食之人官為賑濟務在安集毋令失所仍各具知
稟狀以聞二十六日詔兩浙江東路避賊亡族百姓流
離無以自給及無居止宵旰惻然今州縣措置賑給借
與官舍勸誘歸業八月十二日詔徽州已降指揮依七
分法借貸被賊燒劫州縣人依災傷流移法賑濟其兩
路復業人戶若闕少牛具種糧等却提舉司審度量行
借貸訖奏四年十二月十三日詔德州有京東路西
來流民不少本州知通張邦榮王景溫等見行賑濟於
在城并安德平原縣三處措置宿泊計六百三十一戶
除已該給券還鄉外尚有五百餘戶各得均濟仰本路

提點刑獄司究實聞奏取旨量推恩其餘路分遇有流
移人戶不即依條存恤者並仰監司廉訪使者按劾以
聞 五年正月四日臣僚言聞蜀父老謂本朝名臣治
蜀非一獨張詠德政居多如賑糶米事著在皇祐甲令
常刻石遵守至今行且百年其法一斗止糶小鐵錢三
百五十文人日二升團甲給曆赴場請糶歲計六萬石
始二月一日至七月終貧民鬻食之際被朝廷實惠比
年漕臣不職米直漸增或陳腐不堪雜以糠粃不獨損
六萬之數且幾察不嚴乞賜施行詔漕臣檢會皇祐條
例措置以聞十月二十八日詔大河暴漲由恩州河清
縣王余渡東向泛溢衝蕩大名府采城縣本縣被水人

戶令本州提舉常平官親詣流移所在通行賑濟 六

年五月十三日前知平陽軍府事商守拙言契勘諸路
州縣給散乞丐人米依條立期五日一給不以所居遠
近皆集一處給散欲乞遇風雪權令就近支散庶不失
所從之七月九日詔兩浙州縣人戶積欠常平及圍田
錢米元降指揮展限三年起催今已限滿訪聞本路春
夏水潦害民田民至流徙已令將賑糶官米拯濟艱食
所有積欠及圍田錢米特更展限一年候豐熟日依條
催理八月十八日收復燕雲故應負乏及飢民並以係
官錢米賑濟無令少有失所九月九日詔兩浙路州縣違
法開糶邀阻客人米價踴躍仰提刑廉訪體究水災去

處令常平司賑濟州縣開糶邀阻速令禁止十月二十
七日詔浙西諸郡夏秋水災穀貴艱食民戶流移已降
指揮於所在依條賑濟訪聞常平司見管米斛數少可
於本路實有見在米或見起上供米內截撥五七萬碩
付提舉常平官躬親往常秀平江等處隨宜分擘應副
賑給務令實惠均及飢民十一月十七日詔河北京東
夏秋水災民戶流移係踴於道可令應所過州軍隨宜
接濟若常平義倉不足即發封樁應干斛斗賑給令實
惠及人于九月日南郊制應河北京東河東路民戶曾被
劫掠或焚燒廬舍者委州縣多方安集早令著業與免
諸般差科二年同日南郊制訪聞外路夏秋之間陰雨

積水占壓民田或河防潰決衡注鄉村縣官坐視並不
措置如措置有方實有勞効者保明以聞當議特加旌
勸 欽宗靖康元年六月十四日知磁州趙將之言种
師中兵潰有被傷之人疲曳道路甚多臣已隨宜措置
出榜招收權置一醫藥院收管醫治始臣一州所醫已
二百餘人竊慮別路州郡尚有之乞下諸州將重傷
者每人支給一疋錢一貫輕傷人半支給並以係省錢物
充仍委守臣當官給付依已降指揮將詔到潰散人並
發上邊應援太原外有被傷未堪驅使人並且令逐州
醫治候平愈日逐旋結隊發遣從之宋朝七事記講義

元祐元年復茶鹽法許通商四月賑淮南飢賜上供

朕高宗建
元二年二月

米十萬石蠲早傷租二年出禁錢贖貧民此祖宗以仁
立國之意暫息於熙寧而後續於元祐也使元豐結聖
相傳襲中間無元祐數年之澤則靖康之禍豈止如今
日之所觀哉

三年六月十二日都省言渡江之民溢于道路其飢餓
者無飲食疾病者無醫藥詔令淮南江浙轉運司量給
錢米賑給其病患者差官醫治務要實惠及民不管少
致失所 四年二月二十三日詔應士族家屬有被驅
虜脫歸之人令所在存恤量給錢米於寺院安泊審問
△親屬所在差人津發前去四月二十八日上諭輔臣曰
朕聞明州遭寇焚蕪不餘片瓦井邑丘墟使民骨肉離

散囊索罄竭朕力不能救心甚憫之可將已椿管米七
千餘石令守臣均給城下人戶廬舍被焚者少助窘乏
十月十八日詔諸處流移百姓所在孤苦無依者並仰
越州安泊賑濟務在金活其有不幸死損者收斂瘞藏
並如近降指揮施行咸淳毗陵志 紹興元年三月二

十八日詔常州平江府道有淮南京東西等路避寇渡
江流移失業之民可專委逐州知通措置賑卹仍依先
疾貧乏不能自存人條法給散及應賑得柴薪每人每
日特更給錢二十大七歲以下減半以本州常平錢穀
支撥深慮數目不足平江府降度牒二百道常州一百
道變轉應副紹興元年五月十四日詔諸路見今米價

紹興元年
下脫二條

踴貴細民闕食令州將常平倉見在米量度出糶仍廣
行勸誘富家將願糶米穀具數置厝出糶州委通判縣
委令佐如糶及三千石以上之人與守闕進義副尉六
千石以上與進武副尉九千石以上與下址祇應一萬
二千石以上與進義校尉一萬五千石以上與進武校
尉二萬石以上取旨優異推恩如已有官蔭不願補受
名目當比類施行並令州軍保奏通判令佐勸誘人戶
出糶數多今本路監司保奏等第推恩務要實惠及民
即不得虛摺數目陳乞推恩仍令監司覺察如違按劾
取旨重作責罰十月二十三日詔越州城內遭火延燒
民舍屋不少致貧民無處居止仰三省行下本州分委

二年下脫
二條

以同下脫
三年兩條

官躬親仔細抄割應實曾被火延燒下戶每十人作一保結罪保明單甲姓名申尚書省以憑支錢賑給應官私地基許元賃人搭蓋依舊居住其合納房錢并地基錢並與放兩月十一月六日知紹興府陳汝錫言尋分委四兵官抄割人戶姓名四廂共二百三十餘戶詔令戶部每戶支錢二貫文仰陳汝錫勾集赴都堂給散三年八月九日詔臨安府被火百姓許於法慧寺及三天竺寺等處權安泊應客店亦許安下免出房錢其四向買販木植蘆箔竹筏並不得抽分收稅官私房錢不以貫百並放五日內孤貧不能自存之人令戶部省倉支米二千碩付臨安府賑濟仍開具賑濟過人數以聞

八月十一日詔福建路亢旱米價翔貴令本路提刑司
將泉州福州寄卸廣東米取撥三萬石賑糶仍斟量逐州
軍豐歉次第分撥 三年六月十二日荆湖南路宣諭
薛徽言已檄州縣勸誘上戶借貸種本月終考曆以多
寡為殿最其上三名與免公罪杖一次稍多者又與免
科役一次優異者保明申本司又就泉永間通那省米
應副借貸應第四等以下戶計人為一甲於本州給據
自贖赴撥米州軍請領於是戶部言人戶災傷在法以
常平倉錢穀應副不足方許勸誘有力之家出辦糶貸
兼已剗刷湖南有米州軍支撥二萬石付本路提刑司
專充賑濟支用今乞下提刑兼提舉常平司遵已降指

△ 揮施行毋致人民流移失所從之九月五日宰臣朱勝
非等言近訪聞泉州水溢廩城郭墊廬舍已行下本州
詰問且令詣實申尚書省上曰國朝以來四方有水旱
災異無敢不上聞者修省蠲貸之令隨之近日蘇湖地
震泉州大水輒不以聞何也詔諸路如有水旱等事令
△ 監司郡守即時具奏如敢隱默當寘典憲十一日宰臣
朱勝非等言九日夜朝天門外居民遺火延燒頗廣上
惻然曰細民焚其室廬生聚何從得食必有甚失所者
可命戶部支降米五百碩令臨安府差官就行賑濟孤
△ 貧不能自存者無或追呼更致煩擾二十三日泉州言
本州縣被水之家闕乏糧食不能自存之人欲州委知

出憲下脫
七條

通縣委令佐先次取撥見管常平義倉米斛躬親前去
賑濟及被水濟死其無主屍骸欲令本處量支官錢如
法埋瘞無致暴露今米深慮前項已科定錢米應副不
足欲令禮部給降福建路空名度牒二百道專充應副
前項支使詔依仍令本路漕司躬親前去點檢被水州
縣奉行寬恤賑濟等事件以聞如州縣奉行不虔仰提
刑司按劾聞奏當議重寘典憲五年四月十四日中書
門下省言勘會民間米斛踴貴詔令戶部借支神武中
軍糧食一月令盡數出糶九月七日殺中侍御史王晉
言應民旅般取米斛往旱傷州縣出糶依日前指揮許
就官司判狀執據與免經由場務力勝亦賑救之一也

從之十二月七日江南西路轉運司言筠袁洪吉江撫
州臨江興國軍及臨江軍新喻縣災傷乞支降本路苗
米五七萬石委提舉司以州縣災傷分數取撥比市減
十分之三糴及今州縣勸諭有力之家人納粳米每一
千石或稻穀每二千石如係曾得文解人三代中有文
官無刑責補迪功郎餘人補承信郎依獻人例理選限
陞陟從本州保奏給降付身便作官戶免身丁差役免
審量令本路帥司舉辟合入差遣其入納到米即減價
賑糴并令州縣出給公據勸諭商賈收糴斛斗從便出
糴與免力勝稅錢每米百石許附帶貨物約百貫詢訪
停塌斛斗之人勸諭量取利息責認石斗數日出糴接

濟及飢民合納米豆雖放稅不及七分縣分亦許販給
委提舉司審量若常平穀不足聽取撥入納到米謂今
來因災傷勸誘到者支給候將來有納到義倉斛斗却
行撥還州縣當職官賑濟有方者委提舉司保明提刑
司覈實以聞優與旌賞詔已令收糴米斛六萬石準備
賑濟今乞支苗米難議施行內勸諭人納稻穀依入納
米補官便作官戶一節見別作施行外餘並依仍委知
通勸諭有力之人出糴斛斗接濟不得搔擾十二月九
日詔雪寒細民關食可令臨安府分委官措置依賑濟
人例支米三日後又展三日六年正月十三日詔令
湖南轉運司於已科撥去年上供米内存留三萬石從

本路帥司量度災傷輕重分撥付州縣專充賑濟使用
二十六日上宣諭輔臣曰歲飢民多流殍朕心惻然官
為發廩以濟給之則民受實惠苟為不然雖詔令數下
恐徒為文具爾宜申救有司多方措置米斛二月一日
詔令江西轉運司於去年上供米內支撥一萬石付本
路帥司斟量災傷輕重與常平米相兼均俵賑濟支用
七月右諫議大夫趙浦言去秋旱傷連接東南今春饑
饉特異常歲湖南為最江西次之浙東福建又次之伏
覩累降指揮賑濟固備盡矣然今日賑救有二一則發
廩粟減價以濟之二則誘民戶賑糶以救之諸路固嘗
許借常平義倉米又常令州縣賑糶艱難之際兵食方

關州縣往往逐急移用無可賑給唯勸誘賑糶尤為實
惠然自來官中賑濟多止在城郭而不及鄉村願以上
戶所認米數紐計城郭鄉村人戶多寡分擘米數縣差
丞簿在城及逐鄉要閘處監視出糶計口給曆照支或
支五日或併支十日其交籌收錢並令人戶親自掌管
官司不得干預既無所擾人亦願從乞申嚴戒諭如當
職官不親詣鄉村監糶米斛典故縱人吏科擾令監司
按劾及許人戶越訴其官吏重行竄斥從之三月七日
成都潼川府夔州利州路安府制置大使兼知成都府
席益言東西兩川去秋荒歉及成都府路田事不登物
價騰踴欲令四川都轉運司不以是何名色米權行截

撥專充賑或減價出糶以平米價詔令趙開除應副軍糧外將其餘應平米斛寬剩撥付四川安撫制置大使司量度逐路災傷去處均行賑糶二十九日殿中侍御史周祕言去歲旱傷小民艱食命所在勸誘積粟之家置厯出糶過三千石者等第推恩而州縣奉承不恪勸導無方乃謂富民頑悍說諭不從遂降指揮許令一面酌情斷遣州縣官吏不問民之有無而專以刑威逼使承認善良之民被其害矣欲望再降指揮專委諸路提舉官徧詣所部戒約守令多方勸誘務令民戶樂從無因今來酌情斷遣指揮輒有分毫搔擾詔依令詣路提舉常平官躬親徧詣所部州縣巡按覺察令御史臺糾

初四月十二日江南西路安撫制置大使兼知洪州李
綱言已遵齊訓勸誘出榜置曆差官分詣諸州委知通
縣官召上戶積米之家許留若干食用其餘依市價量
減盡數出糶其流民官中賑給竊恐秋成尚遠難以賑
濟已一面勸誘上戶納錢米入官以助賑濟乞許給官
告度牒之類折還價值從之二十三日詔筠州高安上
高兩縣當職官各先次特降一官放罷今本路提刑司
取勘具案聞奏以提舉常平司言賑濟乖方至有盜賊
竊發殍亡暴露田畝荒蕪飢民失所故有是命五月一
日荆湖南路安撫制置大使兼知潭州呂頤浩言被旨
今廣西提刑韓瑄收糶米三萬石般發前來賑濟已節

次催促至今並無顆粒到來望將上件米斛委韓璜催
督水軍至湖南却委本路運使分撥州軍交卸以濟饑
民詔令劉鵬向伯鸞疾速般發二十六日詔知婺州周
綱除直龍圖閣知撫州劉子翼除直祕閣並特令再任
以中書言並治郡有方賑濟宣力故有是詔七月十八
日尚書省廣西欽廉邕州緣去歲大水即今米價踴貴
細民艱食欲令本路常平官體訪如委是詣實即立便
前去及分委官屬各躬親遍詣逐州取撥常平米斛賑
濟如逐州所管數少即於鄰近州縣那撥應副仍具各
支撥過米斛數目及措置存恤事件以聞從之八月二
十九日詔韶州李紹祖特與減二年磨勘以廣西提舉

常韓璘言起發湖南賑糶米有勞故也十二月五日詔
臨安府遭火竊慮民戶暴露不易令行宮留守司依舊
例於戶部取撥米二千碩專委本府守臣差官被燒
民戶計口日給米二升十日內見扈從官吏諸色人被
燒之家亦仰留守司量度支給錢米存恤十四日尚書
省言江東西湖南路去歲旱傷近擬申奏賑濟飢民萬
數不少其逐路帥司及常平官措置有方甚稱委寄除
江東帥葉宗諤已別作施行外詔帥臣呂頤浩李綱提
舉趙不己吳序賓令學士院降詔獎諭同日尚書省言
去秋江湖旱傷人民鬬食朝廷支撥米斛及委帥臣監
司并州縣守令賑給竊慮其間奉行減裂却致死損流

移數多合行比較優劣詔令逐路帥臣監司於本路早
、 偏州縣各比較三兩處保明取旨實罰十五日詔四川
去歲旱荒之後繼以疾疫流亡甚衆深用惻然其郡守
縣令有能賑給困窮撫存凋瘵善狀最著者令席益體
訪詣實保明來上當議獎擢以為能吏之勸或廢慢詔
令坐視不恤按劾聞奏亦當重寘典憲二十三日樞密
院言叛臣劉麟劉猷等驅擁中原軍民前來侵犯淮西
作過雖已勦殺破蕩緣淮北之民皆朝廷赤子念其無
辜死於鋒鏑詔令建府康差茅山道士二七人修設黃
、 錄醮三晝夜追薦仍委江東安撫司官應辦七年二月
十二日尚書省言鎮江府太平州居民遭火細民無不

朕十三日
一修

暴露艱食令李謨張匯於常平義倉米內各支撥二千
碩分委兵官抄割被火百姓貧乏之家每家計口支米
三升十月仍責委兵官躬親監散如被火人民見欠公
私債負權住催理兩月搭蓋官私白地其見納賃錢不
以貫百多寡並放兩月從之七月二十四日詔建康府
內外居民病患者令翰林院差官四員分詣看診其合
用藥令戶部藥局應副仍置厝除破如有死亡委實貧
乏令本府量度給錢助葬仍具已支數申尚書省除破
九年六月十七日臨安府給散同此制十月八日詔
漳州府守臣景興宗陞一職廣安軍守臣李瞻果州守
臣王隲前吏部郎官馮檄漢州守臣王梅各轉一官知

成都府席益令學士院降詔獎諭仍令四川安撫大使
司開具其餘合轉官人職位姓名以聞以四川安撫制
置使席益言諸州賑貸有方活飢民甚衆內馮穢出米
四百石以助賑濟故有是命 九年正月五月內降新
復河南州軍赦應河南新復州縣百姓各安鄉井內鰥
寡孤獨不能自存之人令州縣多方存恤毋令失所十
一月六月臣僚言曩者旱暵為災官需發廩勸糶而州
縣奉行姦計百出有民戶初非情願均令認數以應期
限而平時儲積之家得以幸免者有所在初無收成勒
令轉難以賑域郭而本鄉流離不暇顧恤者願詔執事
選舉廉謹強明之吏推行德意務使實惠及民盡革前

順
德
十七年
日

弊詔令戶部約束 十年三月十九日臣僚言諸處難
米賑濟只及城郭之內而遠村小民不需實惠向陳正
同通判婺州賑濟極有條理雖窮谷深山之民無不普
需實惠而州縣之吏亦不至勞乞令陳正同條具賑濟
事件付戶部看詳遍下諸路依此施行從之閏六月十
三日詔順昌府官吏軍民等狂虜犯境王師扼衝惟爾
吏民協濟軍事保扞城壘驅追寇攘眷乃忠勤宜加撫
恤管下諸縣及鄉村人戶曾被賊馬焚劫財產屋業者
並依災傷法賑濟應本府縣有民間利害守臣條具以
聞詔書到日明告吏民各令知悉 十二年三月二日
詔紹興府旱傷秋苗令於義倉米內支撥一萬石置場

出糶 十三年三月十八日詔令淮東總領呂希常於

大軍米內支三千石量度分撥於鎮江府委官管押前去價踴貴去處減價出糶仍令淮西總領吳彥璋契勘本路如合出糶依此施行八月十三日詔太平州居民遺火令總領所於本州諸色米內取撥一十碩檢視被火之家計口俵散係官屋宇并白地貨錢並放兩月十四年正月十三日詔今月十二日被火居民令臨安府於係官米內依例賑濟其支過數申尚書省五月十八日上曰聞婺州溪水暴漲淹溺去處可令官吏多方賑濟毋令失所六月十五日上宣諭輔臣曰福建浙東被水災去處已令寬恤賑濟尚恐州縣減裂可令逐路

監司各躬親前去悉心奉行務使實惠及民不得徒為
文具 十五年七月三日知泉州吳序賓言汀虔盜賊
鱗集泉南七縣罹其荼毒且致飢餓雖軍儲不足而義
倉積粟見存七萬石欲開倉賑貸內殘破四縣乞比附
災傷七分之法各借種子三千石自第四等以下戶委
縣官隨便借貸詔每縣於義倉米內支撥二千石應付
借貸 十六年六月二十一日尚書省言方比歲暑虐
有疾病之人昨在京日差醫官診視給散夏藥詔令翰
林院差醫官四員遍詣臨安府城內外看診合藥令戶
部行下和劑局應副候秋涼日住罷其後每歲降詔同
此十八年十一月二十三日上諭輔臣曰紹興府災傷

開食人戶以義倉米賑濟無使失所如別有災傷去處
亦令戶部多方措置十二月十二日上宣諭輔臣曰近
令提舉常官平躬親詣災傷去處賑濟竊恐所轄州縣
闊遠點檢遲滯可更令分委屬官悉力賑濟將來春耕
合用種糧湏令預先措置臨期借給使之耕種及時則
膳養供輸公私兩濟十九年二月四日上諭輔臣曰
春雨膏潤於農事極利農事種種為急若種糧不足則
秋成無望昨已降指揮災傷去處令提舉常平司借給
可更丁寧戶部應副十九日詔逐路災傷去處可令縣
官措置齎糶米斛就鄉村賑給逐州委通判點檢逐路
委提舉常平官按察仍令御史臺覺察劾奏二十八日

詔近有紹興府等處餓民在此求乞日有飢死者可令
臨安府日下給米賑濟三月二日上諭輔臣曰近日紹
興飢民多有過臨安者深可憐惻蓋是保正副抄劄漏
落是致流移可令臨安府多方措置賑濟戶部應付米
斛其諸路州縣災傷去處宜申飭監司守臣依已降指
揮貸給種糧庶幾秋成可望四月六日上諭輔臣曰兩
浙等路災傷去處可令提舉常平官親詣所部借貸種
糧務要實及飢貧民戶毋令州縣及當行人侵尅徒為
文具九月十三日詔兩浙東路提舉常平秦昌時除直
祕閣兩浙東路提點刑獄公事以安撫司言紹興府明
婺州水旱災傷昌時悉力賑濟乞賜褒擢故有是詔

二十一年六月十六日尚書省言行在及諸路州軍每歲合藥依法選官監視修合許軍民請州縣鎮寨量應用數給付竊慮州軍不切奉行詔令戶部檢坐條法申嚴行下諸路州軍遵守奉行務行實惠毋致滅裂其後每歲降詔同此二十四年五月十七日尚書省言衢州闕食人戶令本路常平官賑濟外竊慮未到之前人戶闕食有妨歸業詔令本州日下賑濟仍曉諭各令歸業六月一月上諭輔臣曰官司賑濟止及近郭游手之人其鄉村遠處宜令提舉官及州縣常平官躬親措置務使惠及於貧下二十六年六月二十一日三省言初伏差醫官給散夏藥上宣諭曰比聞民間春夏中多是熱

疾如服熱藥及消風散之類往往害人唯小柴胡湯為
宜令醫官揭榜通衢令人預知願聞服此得効所活者
甚眾沈誥等曰陛下留神醫藥其恤民疾苦可謂至矣
二十七年十月二十九日詔令四川制置司總領所并
逐路轉運常平司各具管下州縣有無旱傷聞奏如有
實被旱傷去處仰支撥常平錢米賑濟或支用不足即
於存留舊宣撫司椿積錢米內量度取撥 二十八年
八月十六日上諭輔臣曰浙東西瀕江海去處田苗為
風水所損平江府最甚紹興次之已將常平賑濟尚慮
貧弱下戶去秋成尚遠無錢可糶深軫朕懷卿等可令
發義倉米賑濟軍臣沈誥等奏曰在法災傷及七分以

上合行賑濟當遵稟聖訓就委趙子滿都幫依此施行
詔紹興平江府被風水損傷可令趙子滿都幫體訪委
是災傷去處將第四等以下嗣食人戶量行賑濟候晚
禾成日住罷仍具逐處賑濟人戶及支撥過米數申尚
書省 二十八年八月二十七日詔令吳璘同蘇欽許
大英將被水州軍人戶取撥常平司義倉米賑濟多方
措置存恤毋令失所仍依條檢放開具取撥過米數及
已措置施行次第申尚書省九月八日浙西常平司言
平江府已於在城覺報寺等八處并吳長兩縣府司置
場賑糴共三萬七千碩今來本府米價漸平已行住糴
詔令平江府湊足元撥五萬碩數均下諸縣仍行賑糴

九月二十九日詔在法水旱檢放苗稅及七分以上賑濟緣土田高下不等若通及七分方行賑濟竊慮飢荒人戶無以自給可自今後災傷州縣檢放及五分處即令申常平司取撥義倉米量行賑濟十一月二十三日南郊教勸會在法病人無親戚以上親同居者廂蒼報所屬官為醫治訪聞比來客旅寄居店舍寺觀遇有病患避免看視聞官逐趕出外及道路暴病之人店戶不為安泊風雨暴露往往致斃深可矜憫可令州縣委官內外檢察依條醫治仍加存恤及出榜鄉村曉諭月具無違戾去處以聞二十九年二月二十五日詔令逐處守臣於見管常平義倉米內取撥二分減市價二分

賑糶內臨安府於行在揀米內借撥四月十五日詔鎮
江府被火闕食之家取撥常平義倉米量行賑濟二十
六日詔紹興府山陰縣撥放賑濟不均去處令浙東常
平官再驗合放實數其第四等以下不曾經賑濟者令
遵節次已降指揮賑濟施行閏六月四日提舉兩浙路
市舶曾惜言去秋州縣有被水災傷去處細民艱食多
一方賑濟反將常平米減價出糶飢民賴以全活而其間
奉行不至者其弊有三賑濟官司止憑舊保公吏抄割
第四等以下逐家人口給曆排日支散公吏非賄賂不
行或虛增人口或鐫減實數致姦偽者得以冒請飢寒
者不霑實惠其弊一也賑糶常平米斛比市價低小既

糴者不分等第不限口數則公吏倉計家人等多立虛
名盜糴遂使官儲易於匱乏其弊二也賑濟戶口數多
常平椿管數少州縣若不預申常平司於旁近州縣通
融那撥米盡旋行申請則中間斷絕飢民反更失所其
弊三也欲望行下有司嚴立法禁力革其弊公吏抄劄
不實與夫州縣申請失時者並寘嚴科委提舉官往來
部內賑濟去處體訪如有違戾按劾以聞從之九月四
日詔福州七月間水災仰帥臣監司將合行賑濟人疾
速支常平錢米賑濟其稅租依條檢於仍具析不即申
奏因依奏聞十月九日詔福建路提點刑獄樊光遠降
一官轉運判官趙不溢放罪以福州水災光遠權州事

不卽躬親括責闕食人戶賑濟故錫一官不溢以不曾
承受本州申到故釋其罪有是詔 三十年五月十八
日御史中丞兼侍講朱倬殿中侍御史汪澈言臨安府
於潛臨安兩縣山水暴至居民屋廬漂蕩甚衆望令臨
安府速下兩縣委令佐躬親看驗如有未收瘞者官給
錢收瘞之及隨被害之小大條具賑恤詔令轉運司支
撥係官錢米就委令佐躬親賑濟無令失所其未收瘞
人口給官錢如法埋瘞不得減裂八月十一日直祕閣
權發遣兩浙路計度轉運副使呂廣問言被旨契勘湖
州安吉縣向被災最甚民戶實數具奏今抄劄到闕食
合賑濟第五等主戶共一百八十戶望許依臨安府已

得指揮將被災人戶等第與免本戶應干苗稅科歛及
丁身役錢等最甚者免四科其次免三科餘免兩科及
第五等曾經賑濟之人尚慮第五等以上雖不經賑濟
或有田桑屋宇被水衝損亦合隨等第輕重減放稅賦
從之 三十一年正月二十二日詔雪寒細民艱食令
臨安并屬縣取撥常平米依市價減半分委官四散置
場廣糶十日二十四日詔聞臨安府内外有貧乏不能
自存之家可令抄劄具數限日下申尚書省二十五日
臨安府言已抄劄到貧乏之家詔令本府分委有心力
官日下巡門俵散賑濟每名支錢二百文米一升二十
六日上謂輔臣曰百姓雖已賑濟尚恐貧乏之家不能

自存者更令特支柴炭今並保內藏庫支撥給與務令
實惠及物然輔郡當此雪寒細民不易可令常平官依
條賑給同日詔令逐州府差官抄劄實貧乏家於見椿
管常平錢米內依臨安府例賑濟分委有心力官俵散
務在實惠不得減尅仍具支過錢米數目以聞八月三
日都省言淮西州軍先因欠債逃避出沒之人理合賑
給令淮西提舉常平官日下於附近州軍取撥常平義
倉米三千石前去濠州賑給仍令龔濤劉光時照會常
切存恤毋致失所二十四日詔夔州路安撫轉運常平
司將本路被水之人戶多方存恤賑濟漂流居民舍屋
量行等第支給官錢其淹損田畝合納稅租依條檢放

溺死之人官為埋瘞務要實惠不得減裂仍各具知稟
施行文狀申尚書省 三十二年二月三日詔兩淮歸
業民戶難於食用令本路常平司賑濟如闕米於浙西
江東常平米內各取撥一萬石應副支散三十二年二月詔
建康鎮江府太平江池州屯戍軍兵來多有疾疫之人
令逐路轉運司支破係省錢物委逐州守臣修合要用
藥餌差撥職醫分頭拯救務在實惠不得減裂荆襄四
川準此五月二十七日特進觀文殿大學士判建康軍
府事張浚言體訪得東北今歲米價踴貴欲乞朝廷多
撥米斛錢物赴淮南賑濟支用詔令浙西江東常平司
各更於近便州軍支撥常平米一萬碩 孝宗隆興元

年二月十八日尚書戶部員外郎奉使兩淮馮方言據
高郵軍百姓狀自前年金賊犯順燒毀屋宇農具稻斛
無餘歸業之始無以耕種欲乞就附近支撥常平及義
倉米委本路提舉司令高郵軍措置借貸認催索趁
此農時早得布種以寬秋冬艱食之憂其餘兩淮川
經賊馬侵犯去處亦令依此體例施行從之三月二十
八日詔霖雨為沴雖側身修行尚恐誠意未孚可令諸
路監司守令應有災傷去處常切賑恤困窮糾察刑禁
仍各具聞奏六月十八日詔兩浙江東下田傷水衝損
廬舍理宜寬恤令逐路常平司行下州縣將被水人戶
疾速依條借貸以備布種將來見得損傷即從實檢放

其衝損廬舍之家多方存恤賑濟措置安泊毋令失所
七月十九日權知盱眙軍周淙言泗州盱眙軍去歲虜
人驚移不曾耕種近淮北流移之民稍多米價頓長極
邊之地販運不通已將本軍米斛比市價減半置場出
糶每日糶及五十石但去秋成稍速而本軍米斛已盡
乞支撥三千石廣行賑濟從之八月十七日詔曰比日
飛蝗益多又聞諸路州縣風水為災螟螣害稼咎證罔
測朕甚懼焉朕自今月十八日避正殿減常膳側身修
行以祈消弭重惟政事之闕致姦和氣二三大臣其盡
忠省過補朕不逮監司郡守各務身率戢貪禁暴平察
冤獄以安民庶所在災傷悉行具奏依條賑卹檢放如

脫十二日
月條、日

有隱匿不以聞者重寘典憲師徒未息科調繁興江淮
襄蜀尤極勞擾強場之吏宜加安輯蠲省苛歛以稱德
意九月十一日詔訪聞浙東西州軍間有螟螣風水傷
稼去處可令守臣疾速條具應合賑恤蠲免事件聞奏
不得隱匿泛濫九月二十四日紹興府飢民以義倉米
依紹興十八年例賑濟之從知府事吳希請也十月二
十一日知紹興府吳希言本府今年災傷異常豪右之
家閉糶待價欲招誘出糶最多之人從本府保明申取
朝廷詳酌推恩從之二十七日兵部尚書兼湖北京西
路制置使虞允文言京西一路今歲旱蝗乞下本路常
平司候開春日將所管常平義倉米廣行賑濟從之

二年三月十日詔徽州旱蝗為災可將常平義倉米出
糶賑濟如本路州軍亦有似此去處依此施行二十一年
日宰臣湯思退等奏廣西遭寇首尾數年乞降德音寬
恤上曰租稅放得多少不要文具務行實惠二十七日
德音高藤雷容州應曾被桀劫逃避人戶仰守令多方
招誘歸業內闕食不能自存之人依災傷法賑恤即雖
歸業而無力耕種者令提刑司以牛具種糧借貸之六
月二十四日詔浙東近因連雨大水及兩淮亦有被水
去處理宜措置優恤令逐路帥漕司同共措置委官往
被水州縣賑濟合用錢米許於常平司見撥管錢米內
取撥若有溺死之人與量給棺殮之具內無居止人亦

歷十二月
十六日
條

仰瞻逆空閣官舍及寺觀權行安泊其應干合檢放寬恤事件及用帶
平錢米並開具申尚書省二十九日上諭宰臣湯思退等曰今歲江東浙
西水災鄉等思所以救災恤患之術思退等奏臣等災調無功效有此災
未敢便乞罷黜上曰朕當思所以應天之宜卿等更宜輔朕不迷七月二
十四日臣僚言建原鎮江平江府常壽等州今年秋淫雨不止大水為災
目今米價見已翔湧乞命提舉司依條賑濟農民不可使主流徙仍行下
諸州勸諭居停米穀之家平價出糶從之八月二十三日詔臨安府米價
增貴細民艱食令常平出米二萬石賑糶二十八日詔訪聞淮東有秋水
去處人戶遠徙可令該端札于本路見管米斛內支撥一萬石措置賑濟
如不足于淮東提領所大軍米內取支九月四日知鎮江府方滋言丹徒
丹陽金壇三縣今秋雨傷稼穡已委官詣金壇縣取撥義倉米三千石丹
陽縣一千石各依乞弓法賑濟尚慮管下少有零販米斛及乘時射利高
擡價直民戶難于收糶遂措置就委官于金壇縣添撥米一十二百石丹
陽縣添撥米八百石丹徒撥米五百石並各減價每升作二十五文省置
場賑糶每人日糶不得過二升竊慮豪右之家開糶待價陳已勸諭販糶
外乞依紹興九年七月二十九日指揮將出糶米穀人依土定格月推賞

仍乞立定有官人糶米以類運轉賞格行下其或他州之人有能販販前
未賑糶及得數月亦與一例保明推恩從之其後方滋又言今歲江東二
浙皆是災傷士處獨湖南廣南江西稍熟相去既遠客販亦難勢當有以
誘之欽乞朝廷多出文榜疾速行下湖廣諸路州軍告諭客人如販販米
斛至災傷州縣出糶仰具數目經所屬陳乞並依賞格即與推恩州縣出
糶官米往往只在近郭勸諭民間出糶者亦多般入城市以致村落山谷
之民無處告糶乞教諭土人及寄居之忠宦可委者四散盡糶庶被惠者
廣州縣開糶朝廷尚有約束今聞州縣不務均濟往往禁人販販乞委監
司嚴行覺察將用糶之官按劾施行從之九月十九日詔今秋霖雨害稼
細民糶食出內庫銀四十萬兩付戶部交轉收糶米斛賑濟一十一日中
書門下尚書令歲浙西江東州軍內有水傷士處摘害禾稼竊慮民戶流
移糶食乞下江西常平司于見管常平義倉米內取撥二十萬石賑濟從
之閏十一月十九日臣僚言淮而流移百姓見在江浙州軍無處十數萬
眾雖欲賑濟緣官司米斛有浪近降信揮有田一萬畝出糶三千石其餘
萬畝以下却有不曾經水災收蓄米斛之家糶借于常年今相度欲去
遂州見不曾經水災處占田一萬畝以下八十畝以上立定出糶米一十

五百石如此可以廣有出糶之數應往急開是運從之二十五日上封事
首屬野北邊兩淮之民皆近江南緣鎮江湖間不開老小舟船鐵泊江岸
者數千隻迫日大雪皆有暴露乾食之患致乞廣行賑濟給寄委浙西江
東提舉照應見行條法通融收撥一路帶平米斛躬親賑濟條又言近嘗
具奏乞賑給兩淮流移之民伏蒙施行需觀近日有司措置平糶田之家
廣知和糶本請處各有糶到米斛欲望于浙西江東西諸郡和糶到米內
取撥二三十萬碩今途路崎運司日下措置般運分往兩淮經錢秋州縣
鄉村委運處守令通行賑濟招誘流民歸業其貧乏之人不能自存者日計
口數給賑給係十二月十三日詔兩浙路州軍內有災傷民戶開食去處
寄委本州俾以常平米措置減價賑糶于十一月十六日詔兩淮經錢人跡踐流
移之民飢寒暴露所有疾疫今和劑局疾速品搭珍合合同藥四為賑赴
淮東西提領所文到樞密院差使臣一員管押前去仰速處委官巡詣兩
淮州縣鄉村就差醫人同共給散 乾道元年正月一日有部故州縣其
間有被水人戶理令優恤令本路帥臣監司多方存恤賑濟其濟漫田故
照道降指揮檢放如有因此災傷死亡之人官為收殮無為虛文不得派
累三年六年而即放至同此制十九日詔已降指揮巡路州軍災傷去處

措置賑濟訪聞州縣止足抄到城內關食之人其鄉村貧民多不啻恩今
逐路轉運司行下逐州委官遍訪鄉村賑糴並勸糴民間米斛不得因兩
條緩此後中書門下請已二十一日詔紹興諸縣米價騰湧飢民關食沿
湖之民多有死殍理宜賑恤可專委徐益喻樗多方措置賑糴務要寬惠
及民仍委提刑司體究逐縣死損過人數以聞從中書門下請也同日詔
浙西州軍收水災去處已令賑濟訪聞湖州流移之人甚眾當處州縣
奉行不度可令曾惻躬親前去多方措置賑濟無令失所將州縣措置有
方保明開奏其他慢去處具名按劾從中書門下請也二月三日詔兩浙
江東州軍緣去歲間有水傷去處致令春米價翔湧細民流移甚可矜恤
仰守令多方措置賑濟于本州應管錢米內取撥應副仍撥定數月隨管
內寺觀士小均定人數賑濟帶錢青竹主守等管支用務令實惠均及流
民毋致轉餓如奉行減裂仰提刑司按劾重寔與逐縣將有方具名開奏
當議旌賞六日中書門下省官兩浙東西路緣水傷細民賑糴案牘稍詳
今諸州縣賑濟及勸上戶糴米并造粥給食非不詳盡當處州縣奉行賑
糴未見寬惠及民詔浙西委吏部郎官曹孝沂東委同封郎官詹閱躬親
遍詣諸州縣檢察如有遺戾士處具當職官姓名中尚書為其措置有

方亦仰保明開泰八日詔高郵軍府流移之民令淮米總領所將太
平無湖縣送到江西常平米內取撥一千石應到高郵軍府于滁州金人遺
棄下內取撥五千石應到高郵軍府賑濟從江淮都督軍馬楊存中之請改也
九日詔臨安府諸縣賑濟宿應奉行不虞差監察御史程叔達日下轉親
前去核察如有違戾去處具當職官姓名申尚書看其措置有方亦仰保
明開泰十一月甲子詔門下有言臨安府內外民頗多窮處有賑濟未至
詔王晏說轉考古同臨安府專一捐買賑濟毋致失所仍約束所差官吏
不得作弊減裂三月三日尚書司勳員外郎浙東觀察賑濟唐閔言民間
頗有遺棄小兒是貧之家願得收養王歸于法遣棄小兒止許收養三歲
以下緣此三歲以上者人皆不敢乞領遂指揮權子今年許令自十歲以
下聽人家收養將來不許議認從之八日權發臨安府詳良朋言得育收
拾街市為患不能行步貧民困窮棄諸道如有死亡無名給錢三兩文收
買棺木埋殮本府今逃募到有心力行者王祖禧郎忠親等一營幹津送
收給濟度牒二道與王祖禧郎忠親就剝從之十三日詔嚴州處州荒
歉發常平米以賑之從殿中侍御史章服請也四月十三日尚書度支員
外郎曾情言合歲浙西災傷諸縣火出未賑濟者即是給與賑糶者始

損其直賑貸者青恩其價欲乞將逐縣勸諭到賑濟米謂如二十石者知
縣與減一年磨勘計其多寡以為之手差賑貸三百石比賑濟一百石州
郡與諸縣數外自備置到賑濟賑數及委今佐分辦勸諭者守臣與今
佐實亦如之大小差減米數之半以計其故詔今有司第當檢行下浙西
提舉常平係奏施行四月二十二日詔兩浙州軍士歲水清流移闕食人
頗衆朝廷措置賑濟存濟甚多比因疫氣傳染間有死亡深可憐憫可令
行在翰林院差醫官八員巡詣臨安府城內外每日巡門休問者診隨證
用藥其藥令戶部于和劑局應副在外州軍亦仰依法州委駐泊醫官縣
鎮選差善醫之人多方政治藥料于逐州歲賜合藥錢內縣鎮于雜收錢
內支給務要寬惠及民并仰接續給散夏藥候秋京日往罷從中書門下
省請也五月六日詔兩浙路諸州縣飢民疾疫埋宜矜恤除下逐州守臣
措置醫治外如有死七道案在路之人亦仰委官同巡檢察吏給官錢埋
瘞不得令狼籍道路五月二十四日詔廣英連韶州肇慶德慶府以同民
殘破令廣東提舉常平司依條賑濟從廣東提判石敦義請也同日詔先
州處經兵火今淮西提領所撥會子一萬貫江西轉運司人米五百石賑
濟之六月十八日知宣州王佐言本州自五月七日至二十六日雨如傾

賑水之人開倉者衆欲將見管常平糶米錢八萬餘貫循環作本差官收糶米料賑濟之

宋會要

乾道二年二月三日兩浙路轉運判官王詵言浙西州縣災傷民戶開倉乞下諭州軍府官守臣疾速措置其開倉民戶量行賑濟勸諭田主崇石之家借貸種粮詔令浙西提舉常平官相度措置再_{三年}月二十五日詔江西以至浙右今歲雨澤頗害農事宜令諸路監司守令察今秋有田禾不熟之處預先講求救災恤荒之政如將未有水旱去處却致無備必責于罰如備預有方常議准有九月七日詔浙東提舉常平宋藻前去溫州將常平義倉賑濟被水開倉人戶如本州未足通融取撥權發遣溫州劉孝冠言本州八月十七日風潮傷害木稼漂溺人命所有義倉米五萬餘碩充蒙奉使司農少卿陳良弼盤量在倉不得支借者候申稟深恩後時速急一面賑給外有不候指揮先次開發之罪乞施行得旨故罪九月十一日詔溫州水災差度吏郎中唐瑒同提舉常平宋藻守臣劉孝冠通詣被水去處覈定賑濟十月一日詔溫州近被大風駕潮淹死戶口推倒屋宇失壞官物其災異常令行寬恤可令度吏郎中唐瑒同提舉常平宋藻知

州劉孝建共議酌奉捐置條具開奏仍令內藏庫支降錢二萬貫付溫州
事先修築塘埭斗門使用疾速如法修築不得減裂縫而唐瑑言宿見溫
州四縣並皆遭海今來人戶田畝盡被海水衝蕩畝面沒入土脉未可耕
種及開少牛具不能遍耕難今虛認而稅乞委守臣未春差官覈實保明
申奏即與減放當年苗稅庶幾水災之後農民感恩早得復舊從之 三
年八月五日知縣與府洪適言上虞縣近有水災飄流居民上曰近所在
或有山發洪處可令常平司常切撫存賑濟被水之家二十五日詔諸路
州縣約束人戶應今年生放借貸米穀只准本色交還取利不過五分不
得作米銀算息以臣僚言臨安府諸縣及浙西州軍府來冬春之間民戶
關食多須富家情貸每借一斗限至秋成交還加數升或至一倍自近年
歲歉艱食富有之家放米人立約每米一斗為錢五百細民但收目前不
借倍稱之息及至秋收一斗不過百二三十則率用米四斗方難得錢五
百以償去年斗米之債農民終歲勤動止望有秋舊逋久索者盈門且
不重困夫民之貧富有由要是支相養之道非貧民出力則無以致富室
之饒非富民假貸則無以濟貧民之急豈可借貸米斛却要責令還錢故
有是命十二月二十六日左朝散郎孫觀國言四川州郡亢旱內綿劍州

尤甚乞遣金字牌行下制總諸司多方賑濟上曰此去夏熟尚遠想見飢
民狼狽當依所奏四年四月十一日司農少卿唐瑄言福建江東路自
今春米價稍高民間聞食郡縣雖已賑糶止是行之坊郭其鄉村遠地不
能周遍詔逐路提舉常平官疾速措置詳發見稱未斛分委州縣清強官
廣行賑糶或勸諭積穀之家接濟出糶不得因而抑勒搔擾諸塔依此六
月四日詔建寧府漳州泉州建昌軍米價翔湧人民聞食並出常平米賑
濟之同日軍機處事之次上宣諭曰昨日汪消對曰去秋江西被水數州
之民至有無業結銀中者朕都不知陳俊卿對曰去秋沈樞亦申來言水
災陛下所以預令理會和糶上曰卿等更宜措置今後水旱須令軍中來
將章奏曰州縣所以不敢申恐朝廷或不樂聞今陛下詢訪民間疾苦無
者矜予玉色誰敢隱上曰朕正欲聞之庶幾朝廷處置賑濟既而詔諸路
轉運司行下所管州軍今後水旱須管依實具申尚書省仍令轉運司具
狀保明中奏或州軍隱蔽不申監司自合一面体訪聞奏如或不盡不實
朝廷訪聞並當重寘典憲二十六日詔襄陽府水旱民飢令本府衙門大
軍米內支濟二萬石賑濟之十二月二十六日當州言八月一日海潮暴
漲濟浸東南鄉民聞食者聚路令礼部給降度牒十道付廣西提刑司支

費捐賑賑濟

五年三月六日提舉江東常平公事罷被言宿見饒州諸

縣去年被水災傷合行賑糶乞將常平舊管米一千六百五十二石九斗
六升五合并收到乾道四年合義倉米五千二百一十五石二斗九升五
合委官賑糶外其池州建德縣與饒州接連飢寒尤甚更乞將常平米內
支撥七百一十九石六斗二升并拘到乾道四年義倉米內支撥二百二
十二石一斗七升將約度被水第四等第五等以下大小人口量行賑濟
從之九日鎮江府 天麟言本司昨奉頒降特歸止人願正等二百一十
八戶大小計一千一百一十口并請括有到為踪等五十一戶計二百三
十六口許合于常平義倉不取撥賑濟至乾道五年五月終合行住支
宿慮獲損失所兼本府又不任有一銀歸止人楊貴等四十三戶陳乞賑
濟欲將逐項歸止人更與展支一年庶幾小民始終得活恩惠從之四月
十四日詔饒信州建德等縣細民艱食可出常平義倉米以賑之同日權
發遣江南東路計度轉運副使趙彥端等言臣等追奉御筆處分以饒
信二郡寄有水患今臣等協力應辦儲蓄賑濟臣等措置將信州合起赴
建康府大軍米一萬五千石截留撥管及將合起赴鎮江府米二萬石四
將一萬石就使撥管將一萬石往饒州準備更使合撥饒州知州黃玠劉

予稱雖家提刑司撥到義倉米六千八百餘石不了一月賑糶之數乞得
申朝廷于格留米四萬石添助賑糶臣等照得杭州合發上供米
斛除格留外尚有合起赴行在米一萬一千九百六十石臣等除已一面
逐急行下饒州于內先次取撥一萬石却行拘收理乞合起之數庶應信
州亦有似此關食去處臣等已行下信州取撥米五千石依此減省賑糶
去訖所有饒州前撥海陽米四萬石欲乞早降指揮再撥一萬石更令接
續賑糶從之十五年五月詔應福建路有貧乏之家生子者許給所屬具陳委
自長官聽寔每生一子給布平米一碩錢一百助其養育餘路州軍依此
施行以臣察言福建路乃有不舉子之風蓋緣貧乏無以贍給國家禁止
之法不為不嚴而小民抵冒尚未知革責誠由未有以惠之之政也有是
命五月十日提舉江南東路常平茶鹽公事王敏言臣近聞地厯到饒信
州面諭進州知通委請諸縣令佐勸諭上戶將積存米穀減價出糶以濟
細民食用今饒州并諸縣申到依應勸諭得上戶願糶米數共計一十九
萬六千六百石六斗五升并轉運司支撥到上供米一萬石付饒州賑糶
緣進項米數委可接濟細民食用所有臣先奏乞支撥施行十月四日
權候所糶米數盡絕如民間尚闕米穀即別具奏乞支撥施行十月四日

詔台州出常平義倉米賑濟被水之民六日糧發遣兩浙路轉運副使劉
敏士言溫台二州連因風水飄損屋宇禾稼雖將義倉米賑濟緣被水丁
口至多當慮來年秋成尚遠將何以延今欲措置欲令各州勸募上戶官
借其前就浙西諸州豐熟處販取米糧中價出糶至來年秋間却輸納
錢本運官庶幾販取既多米稍得濟當其價自平今來溫州已募上戶借
與錢本見行措置唯是台州台勸募上戶販取米斛以濟飢民詔令兩浙
轉運司差撥人船于近便州軍戶部撥管外及常平義倉米內取撥三萬
石前去台州委官于被水去處減價出糶其糶到錢今本司拘收撥還原
取米去處十七日新糧發遣福建路轉運副使趙彥端言竊見饒信之間
地瀕湖江連有水旱欲望無歲于饒信兩州上供米內各截留數萬石若
次年不曾出糶或有出糶未盡之數即行起發却以常年新米代充稍做
常平以新易陳之意詔今後每歲逐州各截留三萬石準備出糶二十八
日知楊州主管淮東安撫司公事黃深言契勘本路楚州盱眙軍沿淮鄉
村間有旱傷訪聞得鄉民漸致艱食揚州提領所撥糯米內見有一萬餘
石乞令楚州盱眙軍賑取前去賑糶所有價錢赴提領所輸納却令徑自
糶米依舊撥補不惟接濟飢民又得以陳易新委是兩便從之十一月十

五日詔令成淮東州軍間有旱傷去處竊慮冬春之交米價增長民間或
致開食可恃淮東見管常平米三萬六千六百餘石今淮東常平司相度
委官置場量減價賑糶到價銀另項撥管候將來秋成日却行收糶補還
十二月二十四日成都府潼川府利州路安撫司置使兼知成都軍府是
公武言成都府自天聖間知府韓億于本府南倉創永利廩每歲出糶以
六萬石為準以拯貧民自二月一日糶賣至八月終止又有拘收到戶絕
官田廣惠倉米歲給養病貧民崇寧五年準詔旨成都糶倉貧民米如有
闕數許轉運司撥錢對糶常平司應副仍不得妨常平司支用大觀二年
知府席旦奏請成都府每歲糶米六萬石近來轉運司以無米應副三分
之一不足以賑忠貧弱之下四川每年如米價稍貴去邈州長史休量將
義倉米依常平法減價糶至宣和五年又準詔旨成都府後如遇米價漲
貴依席旦已得指揮將義倉米減價出糶收撥價錢歲終却行收糶自此
之後開遇荒歉緣義倉所收數少賑惠不足臣自到任後來節次措置糶
買到米四萬二千九百六十餘石通本府連年積到常平倉米二萬九百
八十餘石差官抄劄府城內外貧民給牌居置場減價糶賣以濟飢民本
府雖有所收義倉米斛一年止有八千餘石見根劄本府公使尋庫并副

置司激賞庫錢物三十餘萬實差官住瀘淑嘉州等州乘時收糶米斛約
可得六萬餘石津運前來所倉利厥收貯復韓億永利厥所播歲糶之數
仍以慶惠倉為名每年減清作三百五十文專充賑糶不許他用倘收本
錢循環添貼日後本府諸軍衙指到錢物糶買以備久遠賑濟仰到朝廷
勅恤民隱之意詔依其糶到錢日後專充賑糶本不得他用是為公武令等
士院詳詔獎諭

宋會要

六年五月十一日詔浙西州軍大水今已正已前去措置賑濟既而臣
僚言已差二正已措置浙西被水居民乞就委清臣于本路取見州縣被
水實數官為督其種穀再種晚稻將來秋成絕長補短猶得中熟諸路如
有似此去處亦乞依此施行從之六月十二日權江南東路轉運副使張
松言寧國府建康府太平州廣德軍圩田均被淹沒委實災傷逐州差官
賑濟被水人戶一依太平州例每月支散錢米所有第四等人戶依條不
該賑濟乞將常平米減價出糶從之十八日提舉福建常平茶事鄭伯熊
言福建路八州軍府縣自入夏以來間少雨澤其三四州軍府雖時得甘
雨猶未霑足早禾多有傷損下四州軍亢旱尤甚晚種有不得入土者乞

將所在米價依條支撥常平米料賑濟從之八月二十四日詔淮南路轉運司于蘆州撥糯米四萬石應劄濠州賑糶九月十四日詔于建康府撥管米四萬石限一月津發赴蘆和州轉管準備賑糶十月十一日臣僚言今春湖秀依田與夫太平宣州圩田多壞方此秋成米價已高而米春之憂未艾欲望行下守臣令與縣令各隨其州縣奉所所宜而預為之計其有奉詔不虔視戶口流移稍多者內則從臺諫外則從發運監司按劾以聞詔令逐州守臣限半月申高有十月二十一日詔准宋提領所于揚州撥管米四萬石應付楚州賑糶五千石應劄許昭軍賑糶十二月二日詔江東轉運司將江西路合起赴建康府米三十萬石內取撥十萬石赴太平州五萬石赴池州撥管準備賑糶九日詔湖州將撥積和糶米五萬石賑糶水災之民同日詔淮東提領所于揚州見管米內取撥一萬石分淮東州軍賑糶二十六日詔和州旱澇米麥損傷可借撥米一萬石賑糶飢民 乾道七年正月八日詔兩浙路轉運司官胡堅常同浙西路提舉常平司措置賑糶務施寬惠十三日江東轉運司使沈度言廣德軍災傷尤重欲望支降米二萬石水運至本軍委自守俾拘收賑糶詔令沈度取撥二萬石措置津運赴廣德軍委本軍守俾賑糶

二十二日利州觀察伏知襄陽府轉奏直言去歲秋苗不登乞于本府寄
撥大軍米內支降三萬石賑濟從之二十九日詔浙西常平司于平江府
常平義倉米內借撥五萬石應到湖州賑難接濟飢民從知州向均之請
也二月六日詔信縣荒歉已支米二千石賑濟更于揚州撥管米內降
三千石賑糶八日權知高郵軍劉孝言奏軍高郵興化縣人戶旱澇又自
黑鼠傷稼乞于本軍大軍倉內取撥米一萬石每斗作價錢一百五十文
有出糶過置熟日却復收糶從之同日廬州言本州旱傷據合肥等縣人
戶陳乞借貸及有歸止人乞賑濟近蒙支撥常平米五萬石付廬州和州
準備賑糶從之已撥一萬石賑糶與和州開倉人戶今欲更撥一萬石借
貸與前項飢民及歸止人候將來成熟日撥還從之十四日得皇太子敕
災傷州軍竊慮或有遺棄小兒有人收養者官為置籍抄上日給常平米
二升四月十五日光州觀察使高郵軍駐劄御前武鋒軍都督劉兼知楚
州陳啟言本州去年因黑鼠傷稼魚秋開水旱農民飢饉蒙下通州撥米
五千石又下提領所支米一萬石以通州水路遙遠止就揚州般到米一
萬石賑糶本州戶口既繁食糶日廣賑糶官米今已不多欲望再撥米一
萬付本州賑糶詔令本路常平司將通州未撥米五千石疾速轉撥應副

七月六日詔江西州軍間有閭閻士處合行措置收糶米斛準臨賑糶可
令糶民及拘收單據已刷到發運司奏計錢并江州有餘運司貿易等官
會子共湊二十萬有于江浙豐熟處收糶米斛一十萬石均撥付京不
熟州軍撥管申三省樞密院同日詔江西路今歲間有旱傷州縣者在司
令究心賑恤可令本路帥臣將旱傷州縣守令情加審量如內有老弱不
能究心職事之人先次選擇清強能吏先去對易措置賑濟存恤施行開
具已對易官職位姓名及見作如何賑濟事件聞奏八月一日詔湖南旱
傷州縣亦合依此施行十三日詔昨發運司于潭衡全道卹州桂陽軍和
羅米斛未曾支撥可令湖南轉運司將糶到米撥付災傷州軍撥管賑濟
賑糶八月一日詔江州今歲旱傷見今已有流民守臣坐視不恤實中奏
尋委漕臣一員日下起發前去江州同守臣將見管帶平糶倉米斛四萬
四千餘石措置賑糶如不足即仰收糶客米或向閭閻少仰于本州見存管
朝廷米因逐急借免賑糶仍具已如何措置及賑糶過數目并委官起發
月日以聞從中書門下請也同日詔饒州旱傷深已存留米一萬石賑糶
外可于本州米內更存二萬石通二萬石日下措置賑濟同日中書門下
省言湖南江西間有旱傷州軍當惠米價湧貴細民艱食富室上戶如有

民之入許從州縣審完詣實保明中朝廷依令來立定格日給降
付身補之名目無官人一千五百石補進長校尉補不理進限將仕郎
者聽二千石補進武校尉如係進士與先文郎一次不係進士姓尉郎與
先進校尉一次四千石補承信郎如係進士與補上州文學五千石補承節
郎如係進士補進功郎文臣一千石減二年磨勘如係進人備一省二
千石減三年磨勘如係進人備內資仍各與占射差遣一次三千石轉一
官如係進人備內清仍各與占射差遣一次五千石以上取百級與非恩
武臣一千石減二年磨勘陞一年名次二千石減三年磨勘占射差遣一
次三千石轉一官占射差遣一次五千石以上取百級與非恩其早傷州
縣勸諭積累之家出來賑濟係數而義風即興進納事体不同依其賑
難之家依此減半准賞如有不遵官吏重作施行再給江兩宋路鄂湘北
路依此別八日兩浙路轉運判官胡望常言昨蒙朝廷委以賑糴平江府
常熟知縣趙善括訪請上戶米數倍于諸邑茂山知縣聞人大非委之更
輩善緣為在欲望朝廷將此二人量賜懲勸詔趙善括持轉一官聞人大
非持轉一官十六日據發遣陸興海龔茂良言以本路旱荒御膳進京而
臣恭一路兵民之寄合賜罷斥詔龔茂良為一路帥臣當早嘆而乃引

臣自歸欽求閑退非朕責任帥守之意也可制與獎民宜得救荒之政
截利濟任以主操原盜賊魁修乃戢安輯一路之民所請不允二十二日
省政殿學士知建康府洪運宣饒州南康軍今歲早災非常旱種不入土
晚禾枯槁兩郡飢民聚而為盜乞撫照江西湖南已行賑濟條例應遵施
行從之尋詔本路提舉常平司吏于附近州軍取撥常平義倉米五萬石
付饒州五萬石付南康軍應到賑糶二十五日權發運陸興濟饒茂良本
路州軍被災輕重不等贛州南安建昌早禾小損晚稻無傷次則吉撫袁
州時有雨澤所損亦有分數惟星澤興江筠州與國臨江軍荒早尤甚早
禾皆死晚稻不曾栽種自來未嘗似饒數也分委官前去同守今詳究利
害相度欲將江浙糶到米就近付建康或鎮江總領交納却就截本處
上供米賑濟理充所糶之數大姓巨商勢必閉糶本府已主下價每石
止一貫五百四十文足比之市價折錢七百六十文之以一名若認糶二
萬石共折錢一萬五千二百餘貫若不能獲恩恐無人願就今進納
進功即係八十貫文省比之以二萬石米申糶入官折閱之數不啻過倍
欲乞補充進功即有官人詐轉一官資及見係理選限將仕郎並許恭部
注受合入家便差違從之九月七日詔江南西路諸司申到江州早傷家

甚原已降指揮詳載留并今諸司料撥未外可令劉孝超日下躬親前去
江州將本路常年未結錢雖十一日詔訪聞湖南今歲亢旱民頗流離
今札部給降度牒一百道左藏南庫支降曾子一十萬貫付湖南提舉胡
仰之收轉米斛措置賑糶二十二日敕文閣待制提舉江州太平興國宮
張運言后開躬耕備粟二千餘石適逢今歲旱歉轉賑濟賑糶土阮序
詔獎諭二十五日白劄于江東西湖南州軍今歲旱傷欲乞依紹興九年
指揮將本路撥放展閱之事則責之轉運司通軍提舉之處以資計通
之安撫司知依仍今選司各指遵守三省歲終考察職事修廢以聞遂抄
令所立法本所看詳災傷去處全在賑濟若不分縣有之即及監司密處
奉行違戾諸司設有違戾若不互相提舉亦無以覺察今恭詳詳逐司互
相提舉及將已行事件中而高者以憑考察仍立為三省通用及職制今
提之是日軍機進呈江東西湖南旱傷依紹興九年諸司分賑賑恤事上
曰它路或遇災歉並當依此然轉運司止言撥放一事猶恐未盡他日賑
濟之類必不肯任責虞允文奏曰轉運司管一路財賦謂之有計凡州郡
有餘不足通融相補正其責也上曰然今降指揮止以撥放為文七日以

此稱口逃有何所不可允又奏曰乞立法遇諸郡有災傷處以省計通融
應制上曰如此則甚善矣故今立法十月七日詔江州早傷節次已降指
揮取撥本州常平義倉米四萬四千餘石及元截上供米六千五百餘石
勸諭上戶認糴米二萬八千六百餘石截留贛州米一萬石及支糴本錢
四萬餘貫收糴米斛并令漕臣取撥本路常平米一十萬石言鈞等州見
起運原米八萬餘石未起朝廷撥管米九萬七千餘石及江州元管收糴
米均撥付本州賑糴并立價格勸諭上戶出米賑濟賑糴倚闕覓稅檢放
杖苗地主佃戶資助賑給并將禁軍土軍弓手免起發存留防戍可令紳
滑提舉官多出文榜候歲終比較嚴最如官吏奉行減製委御史臺覺察
按劾以聞同日詔饒州早傷已降指揮取撥本州常平義倉米八萬餘石
及于附近州縣常平義倉米內取撥五萬并截留本州見起撥管上供米
三萬石及獻助米二千石付本州并勸諭上戶賑糴賑濟又倚闕覓稅檢
放秋稅及地主佃戶資助賑給并將禁軍土軍弓手并免起發存留防戍
可令江東帥漕提舉官多出文榜督責守令多方措置存恤歲終比較嚴
最如官吏奉行減製委御史臺覺察按劾以聞十日揮發遣陸興府葉茂
民言當詳所立價格除出米納官不請價錢即合推肯所有賑糴係減半

推賞然不可一舉若依市價以收厚利而貴之流販賤賣貴較其石數則
盡合補授如此肯與皆可濫及飢民不蒙其利在法官為主中備不得通
有虧損今欲將賑糶之家盡令官司差入監視給憑記糶過之數完室休
明中朝廷依格捕其客販米數或免使上供米前來中糶入官如納依
立定例例賑糶難育之人並一體施行魚上戶若在壘熟處即令預開食
州縣任濟令通本處時價減三分之一官司給據照證賑糶或往災傷地分
賑糶即行理實從之十二日知饒州王鉅言昨蒙朝廷文撥本州條管米
三萬石賑軍糧不絕已兄那支遣乞別價錢會糶米來歲稍穩却當拘約
詔令左藏南下庫支會于五萬貫餘依二十三日直批開權發遣徽州趙
師震言本州管下早傷有婺源縣遊汀米蘇兩鄉尤甚臣借置到錢一萬
五千貫欲于本州及諸縣常平義倉米內依立定價回糶米五十石就使
給散賑濟乞令提舉官條管上件錢候開春收糶補還元數從之十一月
十二日知建康府洪遵言太平州蕪湖知縣呂昭問以和糶米為名禁止
米斛不得下河饒州早傷前來收糶米七百五十餘石本縣抄剽不全交
還詔呂昭問降一官杖罪十九日湖南轉運副使吳岳年司馬倖言本
路早傷惟津最甚昨奉黃鈞題刺米四萬石乞免賑糶使司詔糶到備錢

循環作本收雜米斛賑糶二十二日據發遣陸興府龔茂良言乞差新和
興國軍右朝請郎陳寅任來被半州縣同共措置積聚乞量差兵額破本
官驛奏行移作奉司情置賑濟官從之

宋會要

八年二月八日據發遣陸興府龔茂良言本路去歲荒旱異常如陸興府
江筠州臨江興國軍五郡各係災傷及七八分以上雖已依條將老幼疾
病之人先行賑給緣人口幾及百萬去是賑給不同乞將已得旨取撥到
米一十萬石并更勸諭上戶賑濟給散庶幾稍宣德意詔將蠲撥義倉米
五萬石令龔茂良充賑給使同餘常平米五萬石依舊循環賑糶三月十
五日敕文閣待制知潭州陳綱作直徽猷閣判湖南路計度轉運副使司
馬傳言潭州安化縣上戶進武校尉龔德新平時魚升遂至巨萬以進納
補官比至早傷閭閻獨惟厚賈略不体認國家賑恤之意詔龔德新進退
武校尉一官勒停送五百里外州軍編管四月一日據發遣陸興府龔茂
良言本路旱荒細民艱食若不廣行賑給無由可救竊觀張葦昨緣獻米
賑濟除閭閻又得添差本貫兵官富氏散幕欲乞明降指揮止米賑給者
陳依格補官外特與添差本路合入差遣一次仍依雜軍人例減半支給

蓋富氏本非急祿止欲以此為榮辱其間里如依所乞必翕然聽從速得
米斛濟此目前并小補也役之十五日湖北常平司言鄂州有結興十一
年生連夫年間歸正人委是年深各已樂業今米却欲同三十一年以後
歸正人請錢米深慮諸州災傷難以支給詔令結興三十年終以前人免
支自三十一年以後歸正人照應故欠賑濟八月七日詔四川自入夏以
來淫雨過多沿流州縣多被其患如嘉州等州家甚今四川宣撫司
審度被水去處措置賑恤從知成都府張震請也八月權發遣陸興府其
茂良言本司勸諭上戶出米賑濟賑難緣所立賞格比尋常需將計之其
直不啻過倍又有運載之費歛史少加優異結興三十二年閏二月丁九
日指揮進納進功承信即並理為官戶內進功即與免試先次注授差遣
依奏產人例承信即進武進義校尉並與免試弓馬及短使先次注授差
遣今來勸諭賑濟告教元得指揮係數而我風即與進納不同見得事理
尤重雖各係理選限及先與差本路合入差遣緣評理官戶一節及時
來到即免試先次注授依奏產人例等事未嘗立法吏戶部有詳欲將承
信即比附承節即一州文學比附進功即依條遇放注授等尉差遣餘並
依結興三十二年閏二月十九日已得指揮仍比擬獻納已降指揮理為

官戶從之十月十五日詔陳寅將一官徐大觀向士俊翁家之各減二
年磨勘李京質王日休江清向清戴連先王沂胡儀蒲亮信汪廣各減二
年磨勘謝翥劉清之薛斐董述黃美趙不比王杞鄭著趙永年趙公迥各
減一年磨勘以賑濟有勞從江西吳德興茂良之奏也十一月六日詔應
材興將一官羅金略王阮陳符陳確品行已孫逢辰各與減三年磨勘以
賑濟有勞從湖南晏撫使陳綱作提舉湖南常平胡仰之奏也同日詔遣
常平測仰之請也九年閏正月十七日詔雪寒飢民取食今臨安府將
倉之不能自存之家左藏南庫支會子六十貫量儲倉撥米三十石付臨
安府分委有心力官目下巡門依散賑濟每名支錢二百文米一斗稽在
室惠不得減越九年五月十二日詔久雨為災水患必廣可令逐路守臣
行下州縣實被水貧乏人戶多方措置存恤依條賑給內沒損杖苗士處
優借糧本或勸諭上戶應到借貸續裁紳無致失業九月十日詔今年
浙東州縣旱傷至廣朝廷除已行下軫恤併開錢米稅賦是官撥放外尚
慮形勢之家驅迫償債不能安業可將浙東旱傷州縣下三等戶所欠
私債並與倚閣俟來歲收成量熟即仰依約理還以上乾道會要